



Uunga Juliane Henningsen  
Inatsisartuni ilaasortaq  
-/her

**Kaasarfimmiussanut atisanullu aningaasanut tunngatillugu §37 naapertorlugu  
apeqqut nr. 2015-212-imut akissut**

21-08-2015  
Sags nr.  
Dok. nr. 921122

Apeqqutinut nassiunneqartunut qujanarujussuaq.

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: [inin@nanoq.gl](mailto:inin@nanoq.gl)  
[www.naalakkersuisut.gl](http://www.naalakkersuisut.gl)

- 1. Ulloq unnuarlu meeqqanut inuusuttunullu inissiisarfinni inissiinerni kaasarfimmiussat atisanullu aningaasat atugassat assigiinngitsumik inissisimani sunik tunngaveqarpa, tamatumani meeqqat inuusuttullu inissinneqarsimasut ulloq unnuarlu inissiisarfimmi aammalu innarluutilinnut ulloq unnuarlu inissinneqarsimasunut?**

Kaasarfimmiussanut atisarsiniutissanullu akigitinneqartut siornatigut aalajangiinikkut annertussusilerneqarsimapput. Ulloq unnuarlu paaqqinnittarfiit taavalu innarluutilinnut ulloq unnuarlu paaqqinnittarfiit akornanni kaasarfimmiussanut atisarsiniutissanullu akigitinneqartut assigiipput.

- 2. Suut tunngaviusut imaluunniit malittarisassiat suut kaasarfimmiussanik atisanullu aningaasat atugassiat toqqammaveqarpat?**

Taakkua naalagaaffimmit tapiissutinit annertussusilerneqartarput KANUKOKA peqatigalugu isumaqatigiinniutigineqarlutik.

- 3. Qanga kingullermik aningaasat annertussusilerneqarneri aqqiissuteqarfigineqarpat qaqugulu aqqiissuteqartoqarnissaa ingerlateqqinneqassava suullu tunngaviit aallaavigalugit tamanna ingerlanneqassava?**

Meeqqanut 0-init 15 tikillugu ukiulinnut 1. April 1996-imi taavalu meeqqanut 16-iniit 18 tikillugit ukiulinnut 1. April 2000-imi aningaasat annertussusilerneqarput. Aningaasat annertussusaata aqqiissuteqqinnissaannut aalajangertoqarnikuunngilaq. Naalagaaffimmit tapiissutit annertussusilerneqarnerat pillugu KANUKOKA-lu isumaqatiginniniarnermut atatillugu tamanna aalajangerneqassaaq.

- 4. Pisuni ima pisoqarsimappat angajoqqaajusoq ataaseq imaluunniit angajoqqaajusut marluullutik inissinneqarsimasumut meeqqamut akiliuteqartarpat assersuutigalugu qaammammut 2.000 kr.-inik, pisut aallaavigalugit meerartik pilersorusullugulu aningaasatigut akissusaassuseqarfigerusullugu inissisimappat, kaasarfimmiut aammalu atisanut atugassat annertussusaanut kinguneqassava, tamatumani pisortat inissinneqarsimasumut akiliuteqartarnerinut?**

Naamik, taamatut kinguneqarnaviangilaq.

**5. Kalaallit Nunaani meeqqat inuusuttullu 18-it inorlugit ukioqartunik pilersuinerit qanoq aningaasatigut naleqarneri pillugit misissuisoqarpa?**

Taamatut misissuisoqarsimaneranik ilisimasaqanngilanga.

Inussiarnersumik inuulluaqqusillunga  
Med venlig hilsen

Martha Lund Olsen